

空詣玉清境密對真尊而說頌曰

无上神父 開大方便 戒救太上 紫光天母 化形下方
廣度我輩 並因戒定 咸得上生 獲意生身 證无上道
我等變化 百千萬身 身具萬古 讚揚立德 百千萬劫
亦未能盡 巍巍功德 不可窮詰 我等信受 將何補報
誓發大願 於未來劫 復度有情 惟此一心 是名報德
无量天人說是妙頌各以天華寶香散虛空中而為供奉遙望
真尊百禮而退

玉清胎元內養真經終

玉清无上內景真經 大羅真天元天大聖后紫光天母下傳

道藏輯要

丹道秘書三卷

重

胃集七

爾時

元始至真大聖化生開天以大神通力大智慧力結造世界配
合陰陽主張造化先於大梵真天玄空之中化諸外象以表內
景而分九氣為東方木精之色結成九氣丈人而君主之在人
為肝為魂次分七氣為西方金精之色結化七氣丈人而君主
之在人為肺為魄次分三氣為南方火精之色結化三氣丈人
而君主之在人為心為神次分五氣為北方坎精之色結化五
氣丈人而君主之在人為腎為精四方餘氣水火金木分布中
央為黃庭之色結化一氣丈人而君主之在人為脾為思五臟
含識共具十真十真之英能成九轉聚為丹藥散為甘露周旋

上下煉養百骸沐濁留清消陰鑄陽復我太初保我大全出於崑崙入於太淵引其龍變經於虎城四氣和合成我至真衰殘易盛耄耄還嬰朽容再鮮白髮重青韻如鐘發身如羽輕盡更凡骨飛昇上清世之學士立戒持定而生智明以其三力永保億年履輕清之氣運定變化以超仙也左右二玄无極真宰以我此道廣布天人使其捨離無常之業而入真一之妙不老不死湛寂常存

元始尊真於其七竅放大光明照無量土萬二千天百億人界各以自力散香雨華而爲供奉莫不欣悅咸悟本心爾時

玉清化宮於空玄中忽見寶月光明照映內外十虛寶月之中

道藏輯要

丹道秘書二卷

重

胃集七

偈曰
包含紫氣之內有一嬰兒坐寶華臺口放金光發大玉音而說

一心生正定

萬象自然陳

逐方分五氣

五氣孕一靈

一靈通變化

結煉本來真

本真非有相

非有亦非無

此能通此理

方悟攝塵珠

玄空之中月光之內玉嬰演教天上天下一時皆聞莫不慧海湛然業山摧毀反觀內照永契道真仰望聖光作禮而去敬信奉持

玉清无上內景真經終

大道守一寶章

衡嶽真子傳
又名爲玄珠心鏡